



Broj: 16-12-16-3104- *19* /21
I. Sarajevo, *03.06*2021. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 70. Zakona o javnim nabavkama ("Službeni glasnik BiH", broj 39/14), na preporuku Komisije za provođenje postupka nabavke za potrebe Državne agencije za istrage i zaštitu u 2021. godini broj 16-12-16-3104/21 od 25.05.2021. godine, u postupku javne nabavke usluga redovnog i kasko osiguranja vozila Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u konkurentskom zahtjevu za javnu nabavku usluga redovnog i kasko osiguranja vozila za potrebe Državne agencije za istrage i zaštitu

Član 1.

Prihvata se preporuka Komisije za provođenje postupka nabavke za potrebe Državne agencije za istrage i zaštitu u 2021. godini broj 16-12-16-3104/21 od 25.05.2021. godine i ugovor za javnu nabavku usluga redovnog i kasko osiguranja vozila za potrebe Državne agencije za istrage i zaštitu, na period od dvije (2) godine, dodjeljuje se ponuđaču „ADRIATIC OSIGURANJE“ d.d. Sarajevo, ponuda broj 16-12-16-3104-12/21 od 26.04.2021. godine za ponuđenu cijenu 23.185,22 KM bez uračunatog PDV-a.

Član 2.

- (1) Ponuđač „ADRIATIC OSIGURANJE“ d.d. Sarajevo obavezan je ugovornom organu dostaviti dokaz o ispunjavanju uslova iz tač. 3.1.1. i 3.1.3. Konkurentskog zahtjeva.
- (2) Dokaze iz stava (1) ovog člana (orginal ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Državne agencije za istrage i zaštitu.

Član 4.

Za izvršenje ove odluke zadužuje se Sektor za materijalno-finansijske poslove, Državne agencije za istrage i zaštitu.

Član 5.

Ova odluka stupa na snagu danom donošenja.

O b r a z l o ž e n j e

Odlukom direktora Državne agencije za istrage i zaštitu (u daljem tekstu: Agencija), broj 16-12-16-3104-1/21 od 13.04.2021. godine pokrenut je postupak javne nabavke usluga redovnog i kasko osiguranja vozila za period od dvije godine, u procijenjenoj vrijednosti 24.000,00 KM bez uračunatog PDV-a. Novčana sredstva za realizaciju navedene nabavke osigurana su u okviru budžetskih sredstava za 2021. godinu, a na osnovu Odluke o privremenom finansiranju Institucija Bosne i Hercegovine i međunarodnih obaveza Bosne i Hercegovine za period april-juni 2021. godine, koju je donijelo Vijeće ministara Bosne i Hercegovine na 30. sjednici, koja je održana 17.03.2021. godine.

Javna nabavka vrši se putem konkurentskog zahtjeva za dostavljanje ponuda i nije predviđena e-aukcija.

Nakon provedene procedure, Komisija za provođenje postupka nabavke (u daljem tekstu: Komisija) dostavila je Izvještaj o radu broj 16-12-16-3104/21 od 25.05. 2021. godine sa preporukom o izboru najpovoljnijeg ponuđača u postupku javne nabavke usluga redovnog i kasko osiguranja vozila za potrebe Agencije.

Budući da je tačkom 6. Konkurentskog zahtjeva navedeno da je rok za dostavljanje ponuda 26.04.2021. godine do 13,00 sati, Komisija je dana 26.04.2021. godine u 14,00 sati izvršila javno otvaranje ponuda prema datumu i vremenu prijema. Na javnom otvaranju je bilo prisutnih predstavnika ponuđača, i to predstavnik "ASA OSIGURANJE" d.d. Sarajevo, Nikolina Kremenović, a na osnovu punomoći od 26.04.2021. godine.

Blagovremeno je dostavljeno osam (8) ponuda, i to:

R.br.	Broj protokola	Naziv ponuđača	Datum i sat prijema ponuda
1.	16-12-16-3104-8/21	"BRČKO GAS" d.d Brčko	23.04.2021.godine u 10:20 h
2.	16-12-16-3104-9/21	„TRIGLAV OSIGURANJE“ a.d. Banja Luka	23.04.2021. godine u 11:20 h
3.	16-12-16-3104-10/21	„DRINA OSIGURANJE“ a.d. Milići	26.04.2021. godine u 08:48 h
4.	16-12-16-3104-11/21	„SARAJEVO OSIGURANJE“ d.d. Sarajevo	26.04.2021. godine u 09:19 h
5.	16-12-16-3104-12/21	„ADRIATIC OSIGURANJE“ d.d. Sarajevo	26.04.2021. godine u 09:40 h
6.	16-12-16-3104-13/21	„OSIGURANJE AURA“ a.d. Banja Luka	26.04.2021. godine u 11:20 h
7.	16-12-16-3104-14/21	„ASA OSIGURANJE“ d.d. Sarajevo	26.04.2021. godine u 11:50 h
8.	16-12-16-3104-15/21	D.D. Za osiguranje „CAMELIJA“ Bihać	26.04.2021. godine u 11:55 h

Redni broj	Naziv ponuđača	Vrijednost ponude (bez PDV-a)
1.	“BRČKO GAS” d.d Brčko	32.394,02 KM
2.	„TRIGLAV OSIGURANJE“ a.d. Banja Luka	/
3.	„DRINA OSIGURANJE“ a.d. Milići	42.713,60 KM
4.	„SARAJEVO OSIGURANJE“ d.d. Sarajevo	27.050,88 KM
5.	„ADRIATIC OSIGURANJE“ d.d. Sarajevo	23.185,22 KM
6.	„OSIGURANJE AURA“ a.d. Banja Luka	43.854,08 KM
7.	„ASA OSIGURANJE“ d.d. Sarajevo	30.867,20 KM
8.	D.D. Za osiguranje „CAMELIJA“ Bihać	34.573,76 KM

Komisija je nakon otvaranja ponuda u skladu sa članom 63. st. (5) i (6) Zakona o javnim nabavkama („Službeni glasnik“, broj: 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalificiranosti shodno uslovima navedenim u Konkurentskom zahtjevu.

Dalje, uvidom u „Izveštaj o preuzimanju Tenderske dokumentacije od strane ponuđača“ od 26.04.2021. godine, Komisija za nabavke Agencije (u daljem tekstu: Komisija), konstatovala je da firma „TRIGLAV OSIGURANJE“ a.d. Banja Luka nije direktno preuzela Tendersku dokumentaciju sa portala javnih nabavki, te iz tog razloga ponuda ne može biti ni predmet ocjene navedenog postupka, a za koji je predviđeno javno otvaranje ponuda za 26.04.2021. godine u 14:00 časova. Ponuda imenovanog ponuđača broj 16-12-16-3104-9/21, zaprimljena je na adresu Agencije 23.04.2021. godine. Navedena ponuda nije otvorena, budući da imenovani ponuđač, kako je to naprijed navedeno, nije direktno preuzeo Tendersku dokumentaciju sa portala e-nabavki, a što je zakonska obaveza od 01.01.2018. godine za sve postupke javnih nabavki, te samim tim sistem nije evidentirao direktno preuzimanje iste. Nadalje, članom 9. stav (4) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „e-Nabavke“ („Službeni glasnik BiH“, br. 90/14 i 53/15), jasno je definisano da ukoliko Ugovorni organ objavi Tendersku dokumentaciju na portalu „e-Nabavke“, onda je preuzimanje iste od strane ponuđača moguće isključivo preko portala „e-Nabavke“. Uzimajući u obzir sve naprijed navedeno, a u skladu sa članom 68. stav (4) tačka j) Zakona, ponuda ponuđača „TRIGLAV OSIGURANJE“ a.d. Banja Luka se odbacuje.

Komisija je utvrdila da ponuđači: “BRČKO GAS” dd Brčko, „DRINA OSIGURANJE“ a.d. Milići, „SARAJEVO OSIGURANJE“ d.d. Sarajevo, „ADRIATIC OSIGURANJE“ d.d. Sarajevo, „OSIGURANJE AURA“ a.d. Banja Luka, „ASA OSIGURANJE“ d.d. Sarajevo i D.D. Za osiguranje „CAMELIJA“ Bihać, ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti. Također, Komisija je utvrdila da ponuđači ispunjavaju i formalno-pravne uslove postavljene u Konkurentskom zahtjevu, konstatirajući da ponude podliježu primjeni preferencijalnog tretmana domaćeg.

Konkurentskim zahtjevom za postupak javne nabavke usluga redovnog i kasko osiguranja doniranih vozila nije predviđeno provođenje e-aukcije.

Nakon pregledanja dokumentacije, Komisija je u skladu sa članom 65. st. (1) i (2) Zakona ocijenila ponude kvalificiranih ponuđača, primjenjujući kriterij najniže cijene iz tačke 8. Konkurentskog zahtjeva, te je sačinila listu ocijenjenih ponuda, kako slijedi:

Redni broj	Naziv ponuđača	Vrijednost ponude (bez PDV-a)
1.	„ADRIATIC OSIGURANJE“ d.d. Sarajevo	23.185,22 KM
2.	„SARAJEVO OSIGURANJE“ d.d. Sarajevo	27.050,88 KM
3.	„ASA OSIGURANJE“ d.d. Sarajevo	30.867,20 KM
4.	“BRČKO GAS” dd Brčko	32.394,02 KM
5.	D.D. Za osiguranje „CAMELIJA“ Bihać	34.573,76 KM
6.	„DRINA OSIGURANJE“ a.d. Milići	42.713,60 KM
7.	„OSIGURANJE AURA“ a.d. Banja Luka	43.854,08 KM

Tačkom 8.2. Konkurentskog zahtjeva navedeno je da će Agencija primijeniti preferencijalni tretman domaćeg u skladu sa Odlukom o obaveznoj primjeni preferencijalnog tretmana domaćeg („Službeni glasnik BiH“, broj 34/20).


Shodno navedenom, prihvaćena je preporuka Komisije i odlučeno da se ugovor za javnu nabavku usluga redovnog i kasko osiguranja vozila za potrebe Agencije, na period od dvije (2) godine, dodijeli ponuđaču „ADRIATIC OSIGURANJE“ d.d. Sarajevo, ponuda broj 16-12-16-3104-12/21 od 26.04.2021. godine, za ponuđenu cijenu 23.185,22 KM bez uračunatog PDV-a, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu. Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima (x8);
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE



Danko Culum